



# SLUŽBENI GLASNIK OPĆINE ŽIVINICE

GODINA LIII

19. OKTOBAR 2017. GODINE

BROJ 15

Na osnovu člana 5. Zakona o principima lokalne samouprave u Federaciji Bosne i Hercegovine («Sl.novine Federacije BiH», broj 49/05 i 51/09) i člana 24. Statuta općine Živinice („Sl.glasnik općine Živinice“, broj 4/12 i 11/13), Općinsko vijeće Živinice, na svojoj sjednici održanoj dana 21.09. 2017. godine, d o n o s i:

## O D L U K U o proglašenju Grada Živinica

### I OPŠTE ODREDBE

#### Član 1.

Ovom Odlukom u skladu sa Zakonom o principima lokalne samouprave u Federaciji Bosne i Hercegovine proglašava se Grad Živinice (u daljem tekstu: Grad).

#### Član 2.

Grad Živinice obuhvata područje dosadašnje općine Živinice utvrđeno Odlukom Narodne Skupštine Narodne Republike Bosne i Hercegovine („Sl.list NR BiH“, broj 28/59) i Zakonom o utvrđivanju naseljenih mjesta i o izmjenama u nazivima naseljenih mjesta u određenim općinama – prečišćeni tekst („Sl.list SR BiH“, broj 24/86, 33/90 i 32/91 i 16/93) i („Sl.novine Federacije BiH“, broj 14/04, 59/05 i 68/05, 81/11 i 25/12).

#### Član 3.

U sastav Grada ulaze mjesne zajednice kao oblici mjesne samouprave, sa naseljenim mjestima kako slijedi: **Priluk** (Avdihodžići, Kadići, Aljići, Omerkići, Površlje, Zukići, Halilčevići, Klapići, Poljići, Karići, Mešići i Straševići), **Šerići** (Bučik, Mladik, Mujezinovići, Kamberovići, Čičkušići, Hasići, Nuhanovići, Gračići, Pepići, Hodžići, Mujkići, Ribac i Rijeka), **Suha** (Suljići, Muharemovići, Brčaninovići, Halilovići, Hodžići, Džizići, Rijeka, Bajrići, Delići, Đulovići i Jablanica), **Barice** (Spahići, Puzići, Bijelići, Zoletići, Mušići i Barakovac), **Živinice Gornje** (Glavni put, Grabik, Petrovići, Siočići, Lučići, Pavičići, Kudići-Aljići, Tadići, Rasadište, Atlič Mahala, Brezik, Kopjevići, Omerovići, Grgići i Novo naselje), **Šišići** (Novo naselje, 6-i kilometar Botal, Brioni, Meštrići, Brčanine, Šišići, Šabanovići, Kovačevići, Rizvići i Trumići), **Oskova** (Lug, Karaula i Omladinskih radnih brigada), **Litve** (Litve 1, Litve 2 i Golubinjak), **Višća Donja** (Polja, Durakovići, Škola, Požar, Potočari, Rakovik i Litve 2), **Višća Gornja** (Kupjerusi, Odorovići, Kažalj, Beširovići, Jahići, Kudnjevača, Polja i Gornja Mahala-Brnjica), **Šahići** (Panjik, Šahići, Berići, Zenuni i Odžak), **Podgajevi** (Jelah, Mujanovići, Podgajevi, Fočaci, Barnjača, Zukići, Kršići, Naseoci, Gladajevići, Džebari i Kuljan), **Đurđevik** (Vrnojevići, Boškovići, Kotornica, Juroševići, Stari rudnik, Djedino, Dunajevići, Savino brdo, Medovići, Nevrenča, Đurđevik-Magistralni put, Živčići i Fazlići), **Stari Đurđevik** (Musići, Salkići, Nukići-Huseinovići, Brod), Aljići-Pasik, Cesta-Sejdići, Stara škola, Energopetrol, Stara pruga Bare), **Kovači** (Otave, Čokići, Mujići, Fehrići, Mujagići, Cesta, Polja i Čifluci), **Bašigovci** (Zebljak, Livada, Podoljani, Butkovići, Roljići, Podbrđani, Otava, Kop, Narc, Krčevina, Lug, Pjeskulje i Trasa), **Lukavica Donja** (Husići, Potočari, Lone, Rosulje, Prisadi, Lugovi, Malica, Delići i Bukvici), **Lukavica Gornja** (Here, Lastavice i Bijeli put), **Svojat** (Svojat i Krivača), **Gračanica** (Tišim, Bezdani, Luke, Banjevac Rijeka, Potkraj, Zehe, Juse, Vrtage, Bučje i Zalužje), **Zelenika** (Suvati, Gajevi, Brdo, Bregovi i Kukurine), **Tupković** (Kujuci, Brezik, Trojan, Bezdani, Ferhatovići, Košare, Samardžije, Filipovići, Culjaga, Repuh i Kukurina), **Dubrave Gornje** (Begići, Redžići, Husići, Derviši, Sudžaha, Žunovići Donji, Žunovići Gornji, Torovac, Kadrići,

Centar, Križevići, Šehići i Novo Naselje), **Dubrave Donje** (Hadžići, Dom, Petrovići i Raskršće), **Rudar Živinice** (Ciljuge, Bare i Riba) i **Živinice Centar** (Jezero, Sjever I, Sjever II, Strašanj, Maline, Novi Grad i Grad).

#### Član 4.

Grad ima svojstvo pravnog lica.

Sjedište Grada je u Živicama, ulica Alije Izetbegovića, broj 28.

#### Član 5.

Grad preuzima zastavu, amblen i druga obilježja Općine Živinice.

## II ORGANI GRADA

#### Član 6.

Organi Grada su gradsko vijeće i gradonačelnik/ca, koji svoju funkciju vrše u skladu sa Ustavom Bosne i Hercegovine, Ustavom Federacije Bosne i Hercegovine, Ustavom Tuzlanskog kantona, zakonom i Statutom.

#### Član 7.

Gradsko Vijeće u okviru svojih nadležnosti:

- priprema i dvotrećinskom većinom glasova usvaja statut Grada;
- usvaja budžet i izvještaj o izvršenju budžeta Grada;
- donosi razvojne, prostorne i urbanističke planove i programe, te provedbene planove, uključujući i zoniranje;
- donosi propise o porezima, taksama, naknadama i doprinosima Grada u skladu sa Zakonom;
- donosi odluke o upravljanju i raspolaganju imovinom Grada;
- donosi odluke o zaduživanju;
- donosi programe uređenja građevinskog zemljišta;
- donosi plan korištenja javnih površina;
- donosi odluke o organizaciji mjesne samouprave i nazivima ulica, trgova i dijelova naseljenih mjesta;
- donosi odluke o udruživanju Grada u savez i druge oblike organiziranja;
- donosi odluke o proglašenju praznika Grada;
- donosi gradske odluke o nagradama i priznanjima;
- bira i razrješava predsjedavajućeg i zamjenika predsjedavajućeg Gradskog vijeća;
- donosi odluke o raspisivanju referendumu;
- razmatra godišnje izvještaje o provođenju gradske politike i aktivnostima gradonačelnika/ce;
- osniva preduzeća i ustanove za obavljanje poslova od interesa za Grad;
- donosi svoj poslovnik o radu;
- obavlja i druge poslove utvrđene zakonom i statutom.

Članovi Gradskog vijeća odgovaraju za ustavnost i zakonitost akata, koje Gradsko vijeće donosi u okviru svoje nadležnosti

#### Član 8.

Izvršni organ grada je Gradonačelnik/ca.

Gradonačelnik/ca u okviru svoje nadležnosti:

- predstavlja i zastupa Grad;
- donosi akte iz svoje nadležnosti;
- izrađuje i podnosi gradskom vijeću na usvajanje nacrt i prijedlog budžeta, ekonomske planove, razvojne planove, investicione programe, prostorne i urbanističke planove i ostale planske i regulatorne dokumente, koji se odnose na korištenje i upravljenje zemljištem, uključujući i zoniranje i korištenje javnog zemljišta;
- predlaže odluke i druge opće akte Gradskom vijeću;
- provodi politiku Grada u skladu sa odlukama Gradskom vijeća, izvršava budžet Grada i osigurava primjenu odluka i drugih akata Gradskog vijeća;
- izvršava zakone i druge propise, čije je izvršenje povjereno Gradu;
- utvrđuje organizaciju gradskih službi za upravu u skladu sa zakonom;
- donosi pravilnik o unutrašnjoj organizaciji i sistematizaciji gradskih službi u skladu sa zakonom;
- realizira saradnju Grada sa općinama, drugim gradovima, međunarodnim i drugim organizacijama u skladu sa odlukama i zaključcima Gradskog vijeća i njegovih radnih tijela;
- podnosi izvještaj Gradskom vijeću o ostvarivanju politike Grada i izvještaj o svojim aktivnostima;

Gradonačelnik/ca odgovara za ustavnost i zakonitost akata, koje donosi, odnosno predlaže Gradskom vijeću.

#### Član 9.

Međusobni odnosi Gradskog vijeća i Gradonačelnika/ce zasnivaju se na principima međusobnog uvažavanja i saradnje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje Grada.

### III MJESNA SAMOUPRAVA

#### Član 10.

Mjesna samouprava u Gradu se ostvaruje u mjesnoj zajednici, kao obaveznom obliku mjesne samouprave koju Gradsko vijeće osniva svojom odlukom, te u gradskim četvrtima i drugim oblicima mjesne samouprave u skladu sa Zakonom i statutom Grada.

#### Član 11.

Građani u mjesnim zajednicama, putem organa mjesne zajednice odlučuju o poslovima od značaja za rad mjesne zajednice, a naročito:

- pokreću i učestvuju u javnoj raspravi kod pripreme i donošenja urbanističkih planova na području mjesne zajednice; pokreću inicijative, daju mišljenja i učestvuju u izgradnji komunalnih objekata i objekata u općoj upotrebi;
- pokreću i učestvuju o raspravama o inicijativama i aktivnostima za razvoj privrede i društvenih djelatnosti;
- brinu se o zaštiti osoba, kojima je potrebna pomoć i u tu svrhu pokreću saradnju sa stručnim organima iz oblasti socijalne zaštite;
- staraju se o razvoju kulture i sporta i stvaraju uvjete za dostupnost ustanova i objekata kulture i sporta svim građanima, a pogotovu mladim;
- stvaraju uvjete i preduzimaju mjere za očuvanje prirodnih i radom ostvarenih vrijednosti čovjekove sredine;
- učestvuju u drugim poslovima utvrđenim statutom i pravilima mjesne zajednice, vodeći računa o vrsti i obimu potreba i raspoloživim sredstvima, kao i interesima građana u cjelini.

**Član 12.**

Mjesna zajednica ima svojstvo pravnog lica u okviru prava i dužnosti utvrđenih statutom i odlukom o osnivanju.

**Član 13.**

Poslovi iz djelokruga mjesne zajednice, organi mjesne zajednice, postupak izbora, organizacija i rad organa mjesne zajednice, način njihovog odlučivanja, te druga pitanja od značaja za rad i funkcionisanje mjesne zajednice uređuju se statutom mjesne zajednice, koji mora biti u skladu sa Statutom grada.

**IV PRIJELAZNE I ZAVRŠNE ODREDBE****Član 14.**

Općinsko vijeće Živinice i radna tijela Općinskog vijeća Živinice, konstituisani nakon općinskih izbora 2016. godine, nastavljaju sa radom kao Gradsko vijeće i radna tijela Gradskog vijeća sa nadležnostima utvrđenim Statutom, Poslovníkom i ovom Odlukom sve do okončanja prvih narednih lokalnih izbora u skladu sa Zakonom.

**Član 15.**

Na rad Gradskog vijeća i njegovih radnih tijela, primjenjivat će se odredbe važećeg Poslovníka Općinskog vijeća Živinice i odredbe poslovníka radnih tijela., ako nisu u suprotnosti sa odredbama Zakona o principima lokalne samouprave i odredbama ove Odluke.

**Član 16.**

Osobe izabrane ili imenovane od strane Općinskog vijeća, nastavljaju sa radom u Gradu Žiivinicama do isteka mandata na koji su izabrani ili imenovani, osim ukoliko ne podnesu ostavku ili budu razriješeni na način i po postupku propisanim Zakonom.

**Član 17.**

Načelnik općine Živinice, neposredno izabran na općinskim izborima 2016. godine, nastavlja sa radom kao Gradonačelnik sa nadležnostima utvrđenim ovom Odlukom sve do okončanja prvih narednih neposrednih izbora za Gradonačelnika u skladu sa Zakonom.

**Član 18.**

Općinske službe za upravu, upravne organizacije i drugi općinski organi i službe (u daljem tekstu: općinski organi) nastavljaju sa radom, kao gradske službe za upravu, gradske upravne organizacije i drugi gradski organi i službe (u daljem tekstu: gradski organi) prema djelokrugu utvrđenom Odlukom o organizaciji i djelokrugu rada općinskih službi za upravu i stručnih službi općine Živinice („Sl.glasnik općine Živinice“, broj 2/09) i drugim općinskim propisima, ukoliko se u skladu sa Zakonom, ne donese drugačija odluka.

Poslove, arhivu, dokumentaciju, kao i službenike i namještenike općinskih organa iz stava 1. ovog člana, preuzet će gradski organi u roku od 15 dana od dana stupanja na snagu ove Odluke.

**Član 19.**

Postojeći organi mjesnih zajednica (povjerenici i povjerenički odbori) nastavljaju sa radom do izbora novih organa mjesne zajednice na način i postupku utvrđenim statutom Grada i općim aktima mjesne zajednice.

**Član 20.**

Najkasnije u roku od dvanaest mjeseci od dana stupanja na snagu ove Odluke, Gradsko vijeće će donijeti Statut Grada.

Do donošenja Statuta Grada primjenjivat će se odredbe Statuta općine Živinice („Sl.glasnik općine Živinice“, broj 4/12 i 11/13), koje nisu u suprotnosti sa Zakonom o principima lokalne samouprave u Federaciji Bosne i Hercegovine („Sl.novine Federacije BiH“, broj 49/06 i 51/09) (u daljem tekstu: Zakon o principima lokalne samouprave) i odredbama ove Odluke.

**Član 21.**

Do donošenja gradskih propisa, ostaju na snazi odredbe općinski propisa, ukoliko nisu u suprotnosti sa odredbama Zakona o principima lokalne samouprave i ove Odluke.

**Član 22.**

Najkasnije u roku od 15 dana od dana stupanja na snagu ove Odluke, izvršit će se registracija Grada, kod nadležnih organa, promjena memoranduma, tabli i pečata, te preduzeti druge radnje neophodne za funkcionisanje Grada.

**Član 23.**

Ova Odluka se donosi dvotrećinskom većinom glasova od ukupnog broja izabраних viijećnika u Općinskom vijeću Živinice.

Odluka iz predhodnog stava donosi se javnim glasanjem.

**Član 24.**

Ova Odluka će se objaviti u „Sl.glasniku Općine Živinice“, a stupit će na snagu danom stupanja na snagu Zakona u uspostavljanju Grada Živinice.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
Općinsko vijeće Živinice  
Broj:10-05-5692/2017  
Dana:21.09.2017.godine

PREDSJEDAVAJUĆI  
OPĆINSKOG VIJEĆA

Hamdija Numanović,s.r.

**O B R A Z L O Ź E N J E****I USTAVNI OSNOV**

Odredbom člana IV. A.5.20.(1) d) Ustava Federacije Bosne i Hercegovine, gdje je propisano da Parlament Federacije Bosne i Hercegovine donosi zakone o obavljanju dužnosti u federalnoj vlasti i u odredbi člana 5. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), je propisano da se Grad, osim Ustavom, uspostavlja Federalnim zakonom, na osnovu sporazuma o udruživanju dviju ili više općina, odnosno Odluke Općinskog vijeća općine, koja ispunjava propisane kriterije iz stava 1. ovog člana, a koja ima najmanje 30.000 stanovnika, odnosno u čijem gradskom centru, kao zaokruženom urbanom području živi najmanje 10.000 stanovnika. Takođe, stavom 3. istog

člana je propisano da grad u smislu ovog zakona predstavlja sjedište kantona i u slučaju neispunjavanja uslova iz stava 2. ovog zakona. Općina Živinice ispunjava sve uslove da se proglasi gradom.

Napominjemo da je članom VI A.1.(1) Ustava Federacije Bosne i Hercegovine, kojem je dodan amandman XVI na Ustav Federacije Bosne i Hercegovine (“Sl.novine Federacije BiH”, br. 13/97) utvrđeno:

#### “VII GRADSKE VLASTI“

##### Član 1.

Za područje dviju ili više općina koje su urbano i teritorijalno povezane svakodnevnim potrebama građana formira se grad kao jedinica lokalne uprave i samouprave u skladu sa federalnim zakonom.”

Iz navedenog člana Ustava Federacije Bosne i Hercegovine, vidljivo je da je Ustav izrazom “formira se” propisao obavezu formiranja grada za područja dvije ili više općina koje su urbano i teritorijalno povezane svakodnevnim potrebama građana i predstavlja imperativnu normu, s tim da je ustavotvorac dalje propisao da se grad formira u skladu sa federalnim zakonom.

Federalnim zakonom o principima lokalne samouprave u Federaciji Bosne i Hercegovine (“Sl.novine FBiH” br. 49/06 i 51/09), propisano je u članu 5. slijedeće:

“član 5. Zakona:

Grad je jedinica lokalne samouprave koja predstavlja urbanu, infrastrukturnu cjelinu povezanu svakodnevnim potrebama stanovništva.

Grad se, osim Ustavom, uspostavlja Federalnim zakonom, na osnovu sporazuma o udruživanju dviju ili više općina, odnosno Odluke Općinskog vijeća općine koja ispunjava propisane kriterije, stav 1. ovog člana, a koja ima najmanje 30.000 stanovnika, odnosno u čijem gradskom središtu kao zaokruženom urbanom području živini najmanje 10.000 stanovnika.

Grad u smislu ovog Zakona predstavlja sjedište Kantona i u slučaju kada ne ispunjava uvjete iz stava 2. ovog člana.

Izuzetno od uvjeta iz stava 1 i 2 ovog člana, gradom se može proglasiti općina od posebnog historijskog i kulturnog značaja.”

Iz navedenih odredaba Ustava i Zakona slijedi zaključak da Ustav propisuje imperativnu normu za formiranje grada u određenim situacijama, ali ne zabranjuje formiranje grada u bilo kojoj situaciji, nego je to stavljeno zakonodavcu da uredi federalnim zakonom.

Zakonodavac je, polazeći od tog ustavnog ovlaštenja, navedenim Zakonom predvidio mogućnost formiranja grada i na području jedne općine, na osnovu Odluke Općinskog vijeća, uz ispunjavanje određenih uslova (da je općina urbana infrastrukturna cjelina povezana svakodnevnim potrebama građana) i da ima najmanje 30.000 stanovnika, od čega u gradskom centru 10.000 stanovnika.

Osim toga, utvrđeno je da se gradom može proglasiti općina od posebnog historijskog i kulturnog značaja, što svakako Općina Živinice jeste, te se na osnovu toga, u smislu Zakona o principima lokalne samouprave u FBiH smatra gradom.

## II RAZLOZI DONOŠENJA

Općina Živinice nalazi se na području sjeveroistočne Bosne i Hercegovine, odnosno Federacije Bosne i Hercegovine. Općina Živinice je dio Tuzlanskog kantona, u okviru kojeg se, osim

Živinica nalaze i općine: Banovići, Čelić, Doboj-Istok, Gračanica, Gradačac, Kalesija, Kladanj, Lukavac, Sapna, Srebrenik, Teočak i Tuzla, koja je već dobila status grada.

Općina Živinice se, geografski posmatrano, nalazi na sjeveroistoku Bosne i Hercegovine, u dijelu koji je administrativnom podjelom države nazvan Federacija BiH. Općina zahvata oko 300 km<sup>2</sup> površine i zahvata južni dio teritorije Tuzlanskog kantona, naslonjena na grad Tuzlu i općine Lukavac, Kladanj, Banoviće i Kalesiju, a sa jugoistočne strane omeđena je sa 10 km dugom entitetskom linijom sa Republikom Srpskom (općina Šekovići). Gradsko jezgro Živinica locirano je u centralnom dijelu općinske teritorije, na ušću rijeka Gostelje i Oskove, i njihovom međurječju sa rijekom Sprečom na koti od 232 m.n.v.

Općina Živinice je organizovana od 26 mjesnih zajednica i to: Priluk, Šerići, Suha, Barice, Živinice Gornje, Šišići, Oskova, Litve, Višća Donja, Višća Gornja, Šahići, Podgajevi, Đurđevik, Stari Đurđevik, Kovači, Bašigovci, Lukavica Donja, Lukavica Gornja, Svojat, Gračanica, Zelenika, Tupković, Dubrave Gornje, Dubrave Donje, Rudar Živinice i Živinice Centar.

Prema popisu stanovništva iz 1991. godine Općina je imala 54.653 stanovnika. Prema posljednjem popisu iz 2013. godine, prema raspoloživim podacima općina Živinice ima oko 61.200 stanovnika, mada je evidentno da je u postratnom periodu broj stanovnika na području općine Živinice znatno porastao. Naime, nakon masovnih protjerivanja stanovništva sa posavskog i podrinjskog područja, na teritoriju općine Živinice se nastanio znatan broj izbjegličkog talasa, naročito Srebreničana. Iz ovog razloga se smatra da na teritoriji općine Živinice nezvanično živi najmanje 70.000 stanovnika, od čega se 28,3% odnosi na reseljene osobe. Tome u prilog govori i činjenica da se u znatnoj mjeri povećala gustina naseljenosti na području Živinica, a naročito gradskog i prigradskih naselja.

Prema procjenama, broj stanovnika koji živi u urbanom području iznosi oko 30.000. U predratnom periodu, Živinice su prema gustini naseljenosti bile daleko iznad prosjeka Republike BiH. Prema popisu iz 1991. godine, prosječna gustina naseljenosti na području općine iznosila je 188 stanovnika/km<sup>2</sup>, dok je u BiH iznosila svega 85 stanovnika/km<sup>2</sup>. Od 1948. do 1991. godine broj stanovnika na području općine Živinice se gotovo udvostručio. U poslednjoj predratnoj dekadi izražena je snažna migracija seoskog stanovništva u grad, a razlog tome je nagla industrijalizacija u socijalističkoj eri.

Općina Živinice spada u gusto naseljene općine, kako u Federaciji BiH, tako i u BiH, i predstavlja urbanu i infrastrukturnu cjelinu povezanu svakodnevnim potrebama stanovništva.

Aspekti historijskog kontinuiteta i uloge Živinica, te najznačajnije faze u razvoju Živinica i njegove uspostave kao administrativnog centra:

- Nalazi iz prahistorije koji govore o postojanju života na ovim prostorima od najstarijih vremena,
- Srednjovjekovna teritorija Živinica bila je u sastavu Bosanske države, oblasti Gostilj, Dramešin i Soli kao samostalnih političkih jedinica koje su do dolaska Turaka izgubile te atribute,
- Postojanje prvih srednjovjekovnih utvrđenja „Gradina“, u Nevrenči, „grad Jasićak“ iznad Bašigovaca, „Džebarska gradina“, „Gradska čaršija“ iznad Gornje Višće i mnogi stećci, ukazuju na činjenicu da su oklna naselja Živinica mnogo starijeg nastanka,
- Prvi zapisi o stećcima potiču iz prve polovine XVI vijeka. Rregistrovano je oko 25 nekroplola i danas je sačuvano oko 250 stećaka na raznim lokalitetima (stećak „Vrpolje“ u Đurđeviku je jedini stećak sa pisanim tekstom, zatim, stećak „Trijebnik“ u Đurđeviku, „Carska bašča“ u Šahićima i usamljeni sarkofag u Musićima),



- Ispod gradine u selu Džebari i danas egzistira najstarija džamija u TK, podignuta u prvoj polovini 16. vijeka, na mjestu koje je predstavljalo značajnu stanicu karavanskog puta Tuzla-Kladanj-Olovo-Sarajevo (kota 752).
- Pored Džebarske džamije izgrađen je i muzej uz pomoć Ambasade Republike Turske,
- Dolaskom Austro-ugarske monarhije u Bosnu (1878. godine), mijenjaju se društvene i ekonomske prilike na području Živinica,
- Od tog perioda datira preduzeće za preradu drveta „Konjuh“ Živinice, dugogodišnji živinički bred, koje i danas egzistira,
- Osnovni prirodni resursi kojima raspolaže općina Živinice i na kojima je baziran njen dugogodišnji razvoj jesu poljoprivredno zemljište, ležišta uglja, šume, mineralne sirovine itd.
- Bogata mreža živiničkih drumskih pravaca (M-18 i R-455a i brojni lokalni putni pravci-uređeni i asfaltirani na području cijele teritorije općine Živinice), koji povezuju Tuzlanski kanton sa ostalim dijelovima BiH, i željezničke mreže TK koju čine saobraćajni putni pravci Brčko-Tuzla-Živinice-Banovići i Tuzla-Doboj (ukupne dužine oko 140 km), kao i pravac Tuzla-Živinice-Zvornik (50 km) koji je pušten u promet 1990. godine, povezuju Živinice i Tuzlanski kanton sa ostalim dijelovima BiH, Jadranskim morem i lukom Ploče, srednjim i ostalim dijelovima Evrope, kao i sa teritorijom Srbije i Crne Gore.
- Na teritoriji općine Živinice, 5 km istočno od užeg jezgra grada, i 8 km jugoistočno od grada Tuzle, nalazi se međunarodni aerodrom „Dubrave“ koji je već duži niz godina otvoren za civilni saobraćaj sa redovnim i čarter letovima u mnoge evropske države,
- Kompleks „Rajskog jezera“ u Bašigovcima, sa uređenim plažama za kupanje pored turističke ponude, pruža i odlične mogućnosti za ribolov i druge sportske aktivnosti na vodi,
- Izvorište „Toplice“ , eko zona Suška rijeka, planinski dom, niz ugostiteljskih objekata na Dreniku, predstavljaju istinske turističke potencijale općine Živinice
- Mnoštvo uređenih planinskih staza, šetališta, biciklističkih staza, nekoliko ugostiteljskih objekata uređenih u etno-stilu, ergela i staze za jahanje i konjičke sportove, kao i čitava mreža čistih proplanaka, potočića i rječica, pravi su izazov za putnika namjernika,
- Lovišta različitih vrsta divljači, 10 lovačkih kuća, lovački dom u izgradnji, vlastite fazanerije, prihvatilište za jelene lopatare su atraktivne lokacije za ljubitelje lova,
- Postojeća turistička ponuda otvara mogućnosti razvoja turističkih potencijala u oblasti lovnog, rekreativnog i vjerskog turizma i historijskog naslijeđa,
- Period razvoja Živinica poslije agresije na BiH bio je intenzivan naročito u izgradnji infrastrukture i razvoju privatnog sektora,
- Nosioци privrednog razvoja nekada su bili rudnici (RMU „Đurđevik“, PK „Dubrave“, PK „Višća“) i preduzeće namještaja „Konjuh“ Živinice, dok je danas privatni sektor koji broji 753 privrednih subjekta, osnovni nosilac razvoja i prosperiteta Živinice,
- Potpuno uređene 4 poslovne zone „Maline“, „Novi grad“, „Ciljuge 2“ i „kasarna Ljubače“, pružaju odlične mogućnosti za ulaganje inostranim i domaćim investitorima,
- Rješavanje svakodnevnih potreba građana znatno je poboljšano uvođenjem modernih sistema poslovanja javne uprave, (skraćeni rokovi i sniženi troškovi u provedbi administrativnih postupaka, uveden elektronski registar administrativnih postupaka itd.), na čemu se i dalje intenzivno radi,
- Danas Živinice predstavljaju modernu administrativnu jedinicu za izgrađenom infrastrukturom koja odgovara urbanoj cjelini i svim zahtjevima propisanim za uspostavljanje Grada kao jedinice lokalne samouprave.

### III OBRAZLOŽENJE PRAVNIH RJEŠENJA

Odredbom člana 1. propisan je predmet Odluke.

Odredbom člana 2 je propisano da se grad Živinice sastoji od naseljenih mjesta, koja su se prema evidenciji Federalnog zavoda za statistiku nalazila u okviru Općine Živinice na dan stupanja na snagu ove Odluke.

Odredbama čl. 3, 4, 5 i 6 je propisano da je Grad Živinice jedinica lokalne samouprave i ima svojstvo pravne osobe, da su samoupravni organi Grada Živinica Gradsko vijeće i Gradonačelnik.

Odredbom člana 10 je propisano da Grad Živinice ima Statut, kojim je propisano rješavanje svih pitanja mjesne samouprave.

Odredbom člana 14 je propisano da je Grad Živinice pravni sljednik Općine Živinice.

Odredbom člana 15 se reguliše pravno sljedništvo Grada Živinice u odnosu na Općinu Živinice. Ova odredba je neophodna kako bi se obezbijedio kontinuitet izvršavanja nadležnosti Vijeća, Načelnika i organa uprave.

Odredbom člana 16 je propisano da će općinski vijećnici Općine Živinice, izabrani na lokalnim izborima za Općinu Živinice, održanim 2016. godine donijeti Privremenu statutarnu odluku Grada Živinica u roku od dva mjeseca od dana stupanja na snagu ove Odluke, koja će važiti do donošenja Statuta Grada.

### IV SREDSTVA ZA PROVOĐENJE ZAKONA

Za provođenje ovog zakona nije potrebno obezbijediti sredstva iz Budžeta Federacije BiH.

PREDLAGAČ  
OPĆINSKI NAČELNIK

dr.sc.Samir Kamenjaković

Na osnovu člana 5. Zakona o princima lokalne samouprave u Federaciji Bosne i Hercegovine («Sl.novine Federacije BiH», broj 49/05) , člana 24. Statuta općine Živinice („Sl.glasnik općine Živinice“, broj 4/12) i člana 109. Poslovnika Općinskog vijeća Živinice („Sl.glasnik općine Živinice“, broj 3/17), Općinsko vijeće Živinice, na svojoj sjednici održanoj dana 21.09.2017. godine, d o n o s i:

**Z A K L J U Č A K**  
**o pokretanju Inicijative za izradu Zakona o uspostavljanju Grada Živinice**

**I**

Pokreće se Inicijativa za donošenje Zakona o uspostavljanju Grada Živinice.

**II**

Obrazložena Inicijativa sa Odlukom o proglašenju Grada Živinice, dostavit će se Parlamentu Federacije Bosne i Hercegovine, putem Federalnog ministarstva pravde – Zavoda za javnu upravu, na nadležno postupanje.

**III**

Ovaj Zaključak stupa na snagu danom objavljivanja u „Sl.glasniku Općine Živinice“.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**OPĆINA ŽIVINICE**  
**OPĆINSKO VIJEĆE**  
Broj:10-05-5692-1/2017  
Živinice,21.09.2017.godine

**PREDSJEDAVALAČI**  
**OPĆINSKOG VIJEĆA**

**Hamdija Numanović,s.r.**

Na osnovu člana 115. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 24 i 106. Statuta općine Živinice ("Službeni glasnik općine Živinice", broj 4/12), Općinsko vijeće Živinice na prijedlog općinskog načelnika, na sjednici održanoj 12.10.2017. godine, donosi

**O D L U K U**  
**O DAVANJU NA KORIŠTENJE OBJEKTA**  
**BOSANSKOG KULTURNOG CENTRA ŽIVINICE**

Član 1.

Objekat Bosanskog kulturnog centra Živinice, izgrađen na k.č. stari premjer 1039, 1037/1 K.O. Živinice i k.č. novi premjer 803/1, ulica Alije Izetbegovića 42, vlasništvo općine Živinice, daje se na upravljanje Javnoj ustanovi "Bosanski kulturni centar" Živinice.

Član 2.

Od ove se Odluke izuzima prostor na trećem spratu i teatar sala BKC-a koja se dodjeljuje JU "RTV" Živinice na korišćenje.

Član 3.

Naknade za komunalne usluge i održavanje infrastrukture za sve korisnike (utrošak električne energije, grijanja, vode, odvoza otpada i dr.) regulisat će se potpisivanjem ugovora sa korisnicima prostora.

Član 4.

Ova Odluka stupa na snagu danom donošenja i objavit će se u "Službenom glasniku općine Živinice".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA ŽIVINICE  
- Općinsko vijeće -  
Broj: 10-05- 6203-3/2017  
Dana, 12.10.2017. godine

PREDSJEDAVAJUĆI  
OPĆINSKOG VIJEĆA ŽIVINICE

Hamdija Numanović,s.r.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**  
**OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-6203-2/2017

Dana, 12.10.2017. godine

Na osnovu čl. 13. Zakona o principima lokalne samouprave ("Sl. novine F BiH", broj 49/06), član 24. Statuta općine Živinice ("Sl. glasnik općine Živinice", br. 4/12), Općinsko vijeće Živinice na sjednici održanoj dana 12.10.2017. godine, d o n o s i

**ODLUKU**  
**O PRISTUPANJU IZRADI IZMJENA I DOPUNA STATUTA OPĆINE ŽIVINICE**

**I**

Nalaže se Komisiji za statutarna pitanja, Poslovnik i propise da pripremi Odluku o izmjeni Statuta općine Živinice.

**II**

Ova Odluka stupa na snagu danom donošenja i objavit će se u "Službenom glasniku općine Živinice".

PREDSJEDAVAJUĆI  
OPĆINSKOG VIJEĆA

Hamdija Numanović, s.r.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
**- Općinsko vijeće -**  
Broj: 10-05-6203-9-1/2017  
Dana, 12.10.2017. godine

Na osnovu člana 1. Zakona o izmjenama Zakona o ministarskim, vladinim i drugim imenovanjima Federacije BiH („Službene novine FBiH“, broj: 65/13), člana 24. Statuta općine Živinice („Službeni glasnik općine Živinice“, br. 4/12), na prijedlog Nadzornog odbora JP „Horizontala“ Živinice, Općinsko vijeće Živinice na sjednici održanoj dana 12.10.2017. godine,  
d a j e

**S A G L A S N O S T**  
**na imenovanje v.d. direktora Društva**

**I**

Daje se saglasnost na Odluku Nadzornog odbora JP „Horizontala“ Živinice, broj: NO-1588/17 od 28.09.2017. godine, za imenovanje v.d. direktora JP „Horizontala“ Živinice.

**Đulović Muhamed sin Mustafe, dipl. ekonomista iz Suhe.**

**II**

Saglasnost objaviti u „Službenom glasniku općine Živinice“.

PREDSJEDAVAJUĆI  
OPĆINSKOG VIJEĆA ŽIVINICE

Hamdija Numanović,s.r.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**  
**OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-6203-9-1/2017

Dana, 12.10.2017. godine

Na osnovu člana 13. Zakona o principima lokalne samouprave (Sl. novine F BiH, br. 49/06) i člana 24. Statuta općine Živinice ("Sl. glasnik općine Živinice", br. 4/12), Općinsko vijeće Živinice na prijedlog privremenog Upravnog odbora JU "Dječije obdanište" Živinice na sjednici održanoj dana 12.10. 2017. godine, d a j e

## S A G L A S N O S T

### I

Daje se Saglasnost na povećanje cijena usluga u JU "Dječije obdanište" Živinice, br. 02-1457-1/17 od 26.7.2017. godine.

### II

Saglasnost objaviti u "Službenom glasniku općine Živinice".

PREDSJEDAVAJUĆI  
OPĆINSKOG VIJEĆA

Hamdija Numanović, s.r.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**  
**OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-6203-5/2017

Dana, 13.10.2017. godine

Na osnovu člana 24. Statuta općine Živinice ("Sl. glasnik općine Živinice", br. 4/12) i člana 109. Poslovnika o radu Općinskog vijeća Živinice („Sl. glasnik općine Živinice”, br. 3/2017), Općinsko vijeće Živinice na sjednici održanoj dana 12.10.2017. godine, u vezi razmatranja tačke dnevnog reda Inicijativa Udruženja poslodavaca - Radna verzija Zakona o dopunama Zakona o porezu na promet nepokretnosti i prava, donosi sljedeći

## ZAKLJUČAK

### I

Daje se negativno mišljenje na Radnu verziju Zakona o dopunama Zakona o porezu na promet nepokretnosti i prava, po inicijativi Udruženja poslodavaca u Tuzlanskom kantonu.

### II

Zaključak objaviti u „Službenom glasniku općine Živinice”.

PREDSJEDAVAJUĆI  
OPĆINSKOG VIJEĆA

Hamdija Numanović,s.r.





BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**  
**OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-6203-6/2017

Dana, 16.10.2017. godine

Na osnovu člana 24. Statuta općine Živinice ("Sl. glasnik općine Živinice", br. 4/12) i člana 109. Poslovnika o radu Općinskog vijeća Živinice („Sl. glasnik općine Živinice”, br. 3/2017), Općinsko vijeće Živinice na sjednici održanoj dana 12.10.2017. godine, razmatrajući Informaciju o izvršenom upisu učenika u prve razrede osnovnih škola, gimnazije i mješovite srednje škole u školskoj 2017/2018. godini, donosi sljedeće

## ZAKLJUČKE

### I

- Upućuje se zahtjev Ministarstvu obrazovanja, nauke, kulture i sporta da 18 učenika koji su izgubili status učenika u Medicinsko-tehničkoj školi u MSŠ Živinice povrate svoj status na način kako je to dozvoljeno u skladu sa važećim zakonskim propisima i usklađivanjem ako bude bilo potrebno i pedagoških standarda, na način da oni imaju obrazovanje u školskoj 2017/2018. godinu u obrazovnom programu za zvanje medicinski tehničar.

- Tražimo od Vlade TK i Ministarstva obrazovanja, nauke, kulture i sporta da razmotri opravdanu mogućnost da se od naredne godine otvori još jedno odjeljenje srednje medicinske škole u Živinicama.

### II

Zaključke objaviti u „Službenom glasniku općine Živinice”.

PREDSJEDAVAJUĆI  
OPĆINSKOG VIJEĆA

Hamdija Numanović,s.r.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**  
**OPĆINSKI NAČELNIK**  
Broj: 01/2-05-89-2207/17  
Dana: 02.10.2017.godine

Na osnovu člana 38. Statuta Općine Živinice, Izmjena i dopuna-Rebalans-Budžeta općine Živinice za period 01.01.2017.-31.12.2017.godine, (Službeni glasnik općine Živinice broj: 11 od 23.06.2017.godine), člana 45. Odluke o izvršenju Budžeta općine Živinice za 2017.godinu (Službeni glasnik općine Živinice broj: 1 od 11.01.2017.godine) prijedloga Službe za prostorno planiranje i komunalne poslove putem Službe za budžet i finansije o preraspodjeli budžetskih sredstava broj: 05-23-6044/17 od 29.09.2017.godine, Općinski načelnik donosi

## O D L U K U

### o preraspodjeli budžetskih sredstava

#### I

**Odobrava se** unutrašnja preraspodjela budžetskih sredstava u okviru budžetskog korisnika Službe za prostorno planiranje i komunalne poslove, sa planiranih budžetskih pozicija i to :

-sa Budžetske pozicije "Vodosnabdjevanje grada", Ekonomski kod 821 600, iznos od **25.525,66 KM** prerasporediti na Budžetsku poziciju "Projekat-Sanacija mosta (reizgradnja) na rijeci Oskovi-spoj naselja Brčaninovići-MZ Šišići-Općina Živinice", Ekonomski kod 821 610.

#### II

Ukupna finansijska sredstva koja se preraspoređuju u okviru planiranih budžetskih stavki su u iznosu od 25.525,66 KM , a odnose se na Budžetsku poziciju "Projekat-Sanacija mosta (reizgradnja) na rijeci Oskovi-spoj naselja Brčaninovići-MZ Šišići-Općina Živinice", Ekonomski kod 821 610.

#### III

Poslije budžetske preraspodjele stanje na pozicijama budžeta biće sledeće :

-Budžetska pozicija "Vodosnabdjevanje grada", Ekonomski kod 821 600, umjesto planirane pozicije od **30.000,00 KM**, biće **4.474,34 KM**.

-Budžetska pozicija "Projekat-Sanacija mosta (reizgradnja) na rijeci Oskovi-spoj naselja Brčaninovići-MZ Šišići-Općina Živinice", Ekonomski kod 821 610, umjesto planirane pozicije od **62.525,00 KM**, biće **88.050,66 KM**.

#### IV

U konačnoj preraspodjeli Budžetska pozicija "Projekat-Sanacija mosta (reizgradnja) na rijeci Oskovi-spoj naselja Brčaninovići-MZ Šišići-Općina Živinice", Ekonomski kod 821 610,

umjesto planirane pozicije koja je iznosila : **62.525,00 KM**, biće **88.050,66 KM**.

Preraspodjela finansijskih sredstava će služiti za "Završetak radova na projektu izgradnje mosta na rijeci Oskovi-spoj naselja Brčaninovići-MZ Šišići-Općina Živinice".

**V**

Za realizaciju ove odluke zadužuje se Služba za budžet i finansije Općine Živinice.

**VI**

Odluka stupa na snagu danom donošenja, i ista će biti objavljena u Službenom glasniku općine Živinice.

BM / EG / ZZ

Dostavljeno:

1x Služba za prost.planir.i komunalne poslove,

1x Služba za budžet i finansije,

1x a/a.

**OPĆINSKI NAČELNIK**

*dr.sc. Samir Kamenjaković, s.r.*

**„Službeni glasnik Općine Živinice“  
broj: 15/2017**

**SADRŽAJ**

**I - AKTI OPĆINSKOG VIJEĆA**

1. Odluka o proglašenju Grada Živinica.....	2
2. Zaključak o pokretanju Inicijative za izradu Zakona o uspostavljanju Grada Živinice.....	11
3. Odluka o davanju na korištenje objekta Bosanskog kulturnog centra Živinice.....	12
4. Odluka o pristupanju izradi izmjena i dopuna Statuta općine Živinice.....	13
5. Saglasnost na imenovanje v.d. direktora Društva.....	14
6. Saglasnost na povećanje cijena usluga JU “Dječije obdanište” Živinice.....	15
7. Zaključak - Radna verzija Zakona o dopunama Zakona o porezu na promet nepokretnosti i prava.....	16
8. Zaključak - Informacija o izvršenom upisu učenika u prve razrede osnovnih škola, gimnazije i mješovite srednje škole u školskoj 2017/2018. godini.....	17

**II - AKTI OPĆINSKOG NAČELNIKA**

9. Odluka o preraspodjeli budžetskih sredstava.....	18
---	----

**“Službeni glasnik općine Živinice” uređuje: Stručna služba općinskog vijeća Živinice  
Odgovorni urednik i lektori: Suad Avdagić, Nermina Mahmutbegović i Mersiha Zahirović  
Tehnička priprema i štampa: Služba za opću upravu i društvene djelatnosti  
Kontakt informacije: 035/743-392, ovijece@opcinazivinice.ba**